


Pak Kitab fuain dóllo  
Házir óiye

Insán or  
ferecanir  
cúru



LLekóya: Edward Hughes

Nokcá tulóiya: Lazarus  
Alastair Paterson

Borabor goróya: Sarah S.

Torjoma goróya: John Anwar

Neelaiye de óilde: Bible for Children  
[www.M1914.org](http://www.M1914.org)


©2020 Bible for Children, Inc.

Laisen: Tuáñttú e kaháni yían neelai bólla yáto kopí goribólla hók  
asé, zedún fóijjonto tuñí yían oré nóo beso.



Allah ye hárr kessú banaiyé. Allah  
ye zeñtté foóila manúic Adom oré  
banaiyé, héñtte Adom tar boóu Háwa  
loi Edén Baganot tákito. Tará Allah  
re mani ebbere kucí gorí Íbar nozorot  
tákito, tará héndila e din  
ibá aiye fóiijjonto táikkil ...





Háfe Háwa ttú  
fusár gorédde, "Allah  
re tuáñrارة hárr gas  
or gula na háito mana  
goijjé néki?" Híba ye  
zuab diíl, "Añára eggúa  
gas or gula baade fottí  
gas or gula hái farí, zodi  
añára hái yáto suúi,  
añára mori zaiyum bóí."  
Háfe hoódde, "Tuáñra  
no moríba".





“Tuáñra Allahr  
dhóilla óiba.”  
Hétunot Háwa ttú  
hé gas or gula  
háito monehoór  
de hétolla, híba  
ye háf or hotá  
fúni hé gas or  
gula loi háíye.



Háwa ye Allahr hotá no mani  
baade, híba ye zai Adom oré yó  
hábaiye. Adome nóohode,  
"Noó! Aññí Allahr hotá  
fúniyum."





Adom edde Háwa guná goríyóre,  
tará lendhá de yían tará zani faijjé.  
Toi tará dhuñir fata loi tarárgá tará Allahr  
nozor ottú gas or arguale luai táikke.



Zentté háñzinna óiy, Allah baganot aiccé. Íba ye Adom edde Háwa ye ki goijjé de hoifaré. Adome Háwa re hosúr diyé. Háwa ye háf oré hosur diyé. Allah ye hoódde, "Háf oré gozzob diya giyé. Maiña fua ttú fuain óibar ottót duk faibó." "Adom, tui guná goijjós de hétolla zobin oré keñça lota loi gozzob diya giyé. Tui hána háibolla tottú matár gám meçit félai duk gorá foribó."





Allah ye Adom edde  
Háware hé cúndoijja  
bagan ottú neelai  
diyé. Tará guná goijjé  
de hétolla tará  
Allah ttú alok  
óigiyoi.






Allah ye taráre neelai  
di baganot ooin or  
zilhar toluwar ráikke.  
Allah ye januwar or  
sam loi taráre  
gúri diyé.




Adom edde Háwa ttú duwa fua óiye. Foóila fua,  
Kabel accíl, te ál goróya. Tar cónço bai accil, Abel,  
te soól soróya. Ek din Kabele Allahr hañsé kurbaní  
goríbólla hodún gulagala ainné.  
Abele yó tar soól or zák ottú ebbere  
gómmua Allahr hañsé  
ainné. Allah  
ye Abel or  
kurbaní loi  
kúci óiye.



Montor Allah ye Kabel or kurbaní  
loi kúci nóoiyo. Hétunot Kabel  
becí guccá óigiyói. Allah ye taré  
hoódde, "Tui zodi ziyán sóiyi  
híyan goittí, tor kurbáni re ki no  
gosítam né?"



Kabel or guccá nóozagoi. Kessú  
thaim baade te kékit zai tar báí  
Abel oré hámalagorí marífélaiye.



Allah ye Kabel oré hoódde, "Tor báí Abel hoçé?" Kabele zuab diíl, "Aññí hoi nofarí, Aññí ki Añár báí soróya né?" Allah ye Kabel ore sánza dí, tar ál gorár taákot lofélai, taré órgori félail.



Kabel Allahr nozor ottú duré zai, tar bóin yáni Adom edde Háwar zíire biyá goijjé. Toi tará górbari goijjé. Baade Kabel or natifuti loi tar zaga yían bóri giyói.



Héndila, Adom edde Háwar háandan ó hára-hára bári gilgói. Héñtte manúic ókkole yattú áro becí bók faittó.





Zeñtté Háwa ttu Sét zormo oiyé, híba ye hoódde, "Allah ye Abel or bodol Sét oré añáre diyé." Sét accíl eggúa Allahr ebaadoti manúic, te 912 bosór boc faáil ar tattú becí fuail óil.



Duniyait manúic ókkol háandan-háandan  
hóraf oiaiccé. Akérit, Allah ye fáisela  
goijjíl de insán, hár januwar edde  
faik ókkol oré fúrai felai bólla.  
Montor Allah eggúa manúic  
lói kúci óil.



Hé Allahr manúic íba óilde nobi  
Nuú, ziba Sét or háandan ottú aiccé.  
Nuú accíl eggúa Allahr ebaadoti edde  
hosúr sára manúic. Íba Allahr  
rasta mozin solitó.



Íba ye íbar fua tiniwá re yó  
Allah re hondila gorí mane de  
cíkail. Yíanólla Allah ye Nuú  
re Íbar moskut ólla estomal  
gorá cúru goijjíl.



Insán or ferecanir cúru

Allahr Kalam ottú ekkán kaháni, Pak Kitab,

loót fade

Foidayec 3-6

"Tuáñr Kalam gólaye foór diyat táke."

Zobur 119:130



Fúraiye



E Pak Kitab or kaháni ye añárár taijjuppa Allahr baabute cíkaibo, zibá ye añáráre banaiyé edde zibá ye saádde tuñí Íba re sinó.

Allah ye zané añára hóraf ham goijjí, ziín oré Íba ye guná hoó. Gunár cánza óilde moron, kintuk Allah ye tuañre becí muhábbot goré de hétolla, Íba ye Íbar ek siríf Fuá Isá re defeçáiye, zeéne kúrucot foran de, edde tuáñr zoriya cánza fa. Baade Isá zinda óiyore Íbar ghór ziyán bíyosto híyanot giyói. Zodi tuñí Isá uore iman añní, tuañr gunár maf maiggo de óile, tóoile Íba ye tuañre maf gorí dibó. Íba éhon tuañr héçe aibó edde fúañti tákibo, ar tuñí Íbar fúañti zindigibór tákiba.

Zodi tuñí yían sóiyi de biccác goró, tóoile Allah re yían hoó: O adoijjá Isá, añní biccác gorí de, Tuñí Allah, ar insán boni duniyait aái añár gunálla foran diyó, edde Tuñí abár zinda óiyo. Meérbanigorí añár zindigit aiyó edde añár gunáre maf goró, zeéne ehón añní noiya zindigi fai, ar ek din bíyostot zai Tuáñr fúañti hámica tákifari. Añáre modot goró, zeéne añní tuañre mani edde Tuáñr fua boni tákifari. Amin

Fottí din Pak Kitab foró edde Allahr loi hotá hoó. Yuhúna 3:16

